

IZBORI SE - GLASAJ ZA BOSS ZAJEDNO SMO JAČI

BOSS nikada nije trošio vrijeme u mandatu između izbora na grabljenje novca koji bi trošio u predizbornim kampanjama, na predizborne političke koncerte, preskupe reklame, predizborne kolektivne mezetluge i druge proizvode vašara političke taštine, neukusa i nemoralna vladajućih stranaka i njihovih saučesnika u vlasti, plaćene novcem otetim od građana.

BOSS je djelovao u maksimalnom i konstantnom angažmanu da građanima - bude bolje, bez obzira na nacionalnu ili političku pripadnost. Na nivoima gdje je **BOSS** bio parlamentaran, uspio je upornim djelovanjem primorati vlast na kompromise u cilju zaštite interesa građana, bez obzira na absolutnu medijsku blokadu rada **BOSS-a** od strane javnog RTV servisa i drugih režimskih medija.

Od proteklih izbora **BOSS** nije imao niti deset sekundi medijske prezentacije u Javnom RTV servisu, iako smo redovno politički djelovali, što je nezabilježen necivilizacijski presedan. Provodi se smišljen projekat protiv **BOSS-a** kako bi se stvorio utisak da **BOSS** i ne radi, da smo se prodali, da smo isti kao i ostali i da ne treba ni glasati za **BOSS**. Boje nas se, jer znaju da se nećemo prodati ni po koju cijenu, i da nećemo izdati politički kodeks **BOSS-a** – obavezu da budemo korisni građanima.

BOSS je u dokazao u dvadesetogodišnjem političkom angažmanu da nikada nije izdao interes građana, te da se, za razliku od stranaka koje se za građane "brinu" jedino u izbornoj kampanji, kontinuirano zalaže za vladavinu zakona i poštivanje ljudskih prava i sloboda zagarantovanih Ustavom BiH i evropskim i svjetskim konvencijama zaštite ljudskih prava.

BOSS je posebno putem predsjednika Mirnesa Ajanovića poduzimao konkretne akcije u zakonodavnim institucijama, beskompromisno se boreći za zaštitu građana, zbog čega je **BOSS** često izložen pritiscima i političkoj odmazdi od strane vladajućih struktura, kao i klevetničkoj kampanji režimskih medija, ali je pred nadležnim sudovima oboren svaka kleveta protiv **BOSS-a** i Mirnesa Ajanovića.

BOSS je zahvaljujući povjerenju građana dokazao da opozicija može biti izrazito uspješan korektor vlasti, i da se od vlasti ne treba zahtijevati samo minimum dobrog stanja, jer se adekvatnim političkim pritiskom može izboriti i – za još bolje, ali, svakako, bilo bi lakše kada bi birači dali veću snagu **BOSS-u**.

BOSS nikada nije slagao, niti manipulisao javnošću, niti je ikada vodio antidržavnu politiku, politiku nacionalne ili bilo koje druge segregacije, i nikada nije kroao, niti je bilo koga oštetio, osim onih u vlasti.

BOSS se za 20 godina postojanja, za razliku od svih drugih političkih stranaka, nikada nije vezao za kriminalni milje i spregu nacional–šovinističko–pljačkaške vladajuće garniture. To je prepoznatljivi politički kodeks **BOSS-a**, koji za razliku od političkih programa drugih stranaka i njihovog prevarantskog djelovanja - predstavlja dosljedan kontinuitet časnog političkog djelovanja.

BOSS-ovi kandidati za predstojeće izbore potpisali su obavezu da moraju biti pošteni. Kandidat koji bi izdao ili prevario građane, bez obzira o kome se radilo, u **BOSS-u** bi imao najgoreg političkog neprijatelja. Zato, za razliku od drugih, **BOSS** može u cilju zaštite interesa građana stupiti u svaki politički dijalog, sa svima, bez hipoteke da je bilo kome dužan političku ili neku drugu uslugu.

BOSS-ova nekompromitovana politička pozicija daje puni legitimitet za beskompromisno zalaganje za ljudska i socijalna prava građana, zalaganje za očuvanje države BiH, a višegodišnja **BOSS**-ova beskompromisna kampanja protiv korupcije, hiperaktivan i produktivan rad predstavnika **BOSS-a**, od opštinskih vijeća do državnog parlamenta – najbolja su predizborna kampanja.

Glasanjem za **BOSS**, i ulaskom **BOSS-a** u opštinska vijeća - građani će imati nekorumpiranog, nepristranog i upornog političkog zastupnika građanskih interesa svih bh. naroda, što dokazuje dosadašnji rad **BOSS-a** od više hiljada reakcija i prijedloga, prezentiran na web stranici www.boss.ba.

BOSS ima moralni kredibilitet da upozori građane - da svoju budućnost i budućnost svoje djece ne prodaju za lažna obećanja političkih prevaranata o novim radnim mjestima koja će se pojavitvi preko noći, za mazanje očiju predizbornim koncertima, zakupljenim medijskim prostorom i bezbrojnim billbordima, pa ni za par desetina KM, kojim vladajuće stranke svakih izbora ponizavaju građane, i to novcem otetim od građana.

BOSS upozorava da građani neće biti sretniji nakon što im bh. vladari prirede politički koncert i dovedu popularnog pjevača ili glumca, ili ako im bilo koja nemoralna vladajuća stranka ili bilo ko od drugih političkih prevaranata prirede politički predizborni cirkus, plaćajući političke groteske ubjeđivanja svojih članova da glasaju za njih, i to novcem koji je oduzet upravo od obespravljenih građana.

BOSS vjeruje da je veći broj birača pod teretom nenarodne vlasti ipak politički sazrio, i da je shvaćeno da ne treba vjerovati vladajućim prevarantima i njihovim ponovnim izbornim obećanjima; da je shvaćeno

da sav kriminal i greške vlasti plaćaju - poreski obveznici od svoje zarade, zaposleni sa malim platama ili bez plata, a demobilisani borci i nezaposleni radnim mjestima koja su im upropoštena ili oduzeta, dok penzioneri plaćaju i zdravljem. Politikanti dijele izborne teme na visoku politiku – za opšte izbore i komunalnu politiku – za opštinske izbore. To samo dokazuje da vlast za građane ima dvije vrste laži, opštu i onu opštinskog nivoa. Svaka tema koja tišti građane je izborno pitanje, i problemi se moraju rješavati strateški između izbora a ne samo parcijalno u predizbornoj kampanji. Sve što ne valja u našoj državi ima zajednički imenitelj – kriminalna vlast lično-interesnih profitera, koji su privatizovali državu.

BOSS upozorava da su predstojeći izbori strateška odluka – da li ponovo glasati za dosadašnje nemoralne vladajuće stranke, raznorazne "patriote", ratne i poratne profitere i tajkune i druge političke i ljudske licemjere - i dopustiti im da do kraja razore državu, ili je građanska obaveza već sada efektivno djelovati i na ovim izborima kazniti ih oduzimajući im vlast.

Revolt građana iskazan kroz neizlazak na izbore upravo je i cilj vladajuće oligarhije, koja putem svojih medijskih emisara šalje poruke da je moderno ne glasati, da su svi isti, da ničiji glas ne može ništa promijeniti, kako bi razočarani građani-birači kojih je preko 60 odsto ostali kod kuća, a izborna mašinerija vlasti i svih onih koji su interesno vezani za vlast, bez opasnosti za gubljenje izbora, izašla na izbore – i ponovo zagospodarila našim sudbinama.

Već je rečeno - lošu vlast biraju dobri ljudi koji ne izlaze na izbore. Izuzetno je kritičan politički trenutak zbog teške političke ali i ekonomске krize, prouzrokovane političkim klanjem za fotelje, i građani su dužni jasno izraziti kritiku masovnim izlaskom na izbore i glasanjem protiv vlasti. Građani mogu stvoriti uslove za novu političku scenu koja će biti odgovorna i istinski okrenuta potrebama građana – ako izađu na izbore i glasaju protiv lažnih socijaldemokrata, nacionalizma, protiv lažnih obećanja o boljitu i boljoj budućnosti, protiv jahti, vila i lažnih obećanja prevarantskih lidera vladajućih stranaka, ministara i svih izabranih zvaničnika svih nivoa.

Na proteklim izborima nisu odlučivali birači, nego - NOVAC političkih profitera - koji je pokrađen od opljačkanih građana. Vladajuće stranke i one koje su krile da su u vlasti stvarale su lažnu sliku o navodnoj ogromnoj podršci građana izbornim obećanjima političkih prevaranata na političkim izbornim koncertima putem kupljenih simpatizera, prevoženih brojnim autobusima od jedne do druge stranačke promocije i plaćenim skandiranjem ostrašćenim liderima. Takođe, desetine hiljada zakupljenih billboarda, zakupljeni najskuplji medijski prostori, kao i bezobzirna kupovina i obmana kupljenih birača dokazuju činjenicu da je na izborima odlučio novac, i da su građani prevareni i prije izbora, a pokazalo se kako prolaze građani nakon izbora, što dokazuje da su vladajuće stranke stalno varale - i opet će.

Masovni izlazak na izbore i glasanje protiv vlasti jedini je način suprotstavljanja političkim diktatorima koji bezobzirno odlučuju o ljudskim sudbinama u cilju ostvarivanja vlastitih profitorskih interesa. Krajnje je vrijeme da se sve sindikalne, boračke, nevladine, penzionerske i druge građanski orientirane organizacije i svi obespravljeni i prevareni građani ujedine u otporu vladajućem totalitarizmu masovnim izlaskom na izbore i glasanjem protiv vladajućih stranaka.

**LOŠU VLAST BIRA GLASAČKA MAŠINA VLADAJUĆIH STRANAKA!
LOŠU VLAST BIRAJU I OBESPRAVLJENI GRAĐANI KOJI NE IZAĐU NA IZBORE
JER NEGLASANJEM INDIREKTNO GLASAJU ZA ISTE!**

**IZAĐITE NA IZBORE I GLASAJTE PROTIV GLASAČKE MAŠINE
VLADAJUĆIH STRANAKA**

GLASAJTE PROTIV SVIH POLITIČKIH PREVARANATA!!!

**GLASAJTE PROTIV
NEMORALNE VLASTI**